



Në mbështetje të Nenit 4 dhe 23 të Ligjit për Administratën Shtetërore të Republikës së Kosovës (Nr. 03/L-189, datë 16. 09. 2010), Ligjit për Procedurën e Përgjithshëm Administrative (Nr. 05/L-031, datë 25. 05. 2016), Nenit 7 dhe 15 të Ligjit për Arsimin e Lartë në Republikën e Kosovës (Nr. 04/L-037, datë 29. 08. 2011), Udhëzimin Administrativ për Akreditimin e Institucioneve të Arsimit të Lartë në Republikën e Kosovës (Nr. 15/2018, datë 28. 09. 2018), Këshilli Shtetërorë i Cilësisë (KSHC), në mbledhjen e 61-të, të mbajtur më 15 dhe 16 janar 2019, mori:

V E N D I M

1. Tërhiqet akreditimi i programeve të studimit të Kolegjit AAB si më poshtë:
 - 1.1 Komunikim Masiv – Gazetari, MA, 120 ECTS;
 - 1.2 Menaxhment dhe Informatikë, MA, 120 ECTS;
 - 1.3 Banka, Financa dhe Kontabilitet, BA, 180 ECTS, (dega në Gjakovë);
 - 1.4 Banka, Financa dhe Kontabilitet, BA, 180 ECTS, (dega në Ferizaj);
 - 1.5 Gjuhe Angleze, BA, 180 ECTS (dega në Gjakovë);
 - 1.6 Menaxhment dhe Informatikë, BSc, 180 ECTS, (dega në Ferizaj);
 - 1.7 Përkujdesi dhe Mirëqenie e Fëmijëve, BA, 240 ECTS, (dega në Ferizaj), dhe
 - 1.8 Përkujdesi dhe Mirëqenie e Fëmijëve, BA, 240 ECTS; (dega në Gjakovë).
2. Ky vendim hyn në fuqi me nënshkrimin e tij.

Arsyetimi

Bazuar në Nenin 26, pika 5.3.4 e Udhëzimit Administrativ për Akreditim (15/2018, datë 28.09.2018), Institucionet e Arsimit të Lartë: *“Për programet e studimit të cilat shpijnë deri tek marrja e një diplome shkencore Bachelor dhe Master, kërkesat për stafin akademik janë për çdo grup të studentëve (të përcaktuar sipas statuti të IAL) dhe për çdo 60 ECTS kredi të programit studimit, institucioni duhet të ketë të paktën një (1) staf me marrëdhënie të rregullt të punës me titull PhD nga fusha e programit të studimit”*.

Sipas Nenit 30 të Udhëzimit Administrativ për Akreditim, *“IAL-të, duhet të dorëzojnë deklaratat e stafit akademik të angazhuar jo më larg se data 31 tetor”*, pra IAL-të janë të obliguara që të deklarojnë stafin akademik më së largu deri më 31 tetor 2018. Sipas pikën 3 të Nenit 30 të UA për Akreditim, *“Vetëm stafi akademik i deklaruar dhe aprovuar nga AKA, do të konsiderohet në procesin e akreditimit/riakreditimit për*

vitin pasues akademik dhe stafi akademik i deklaruar dhe aprovuar nga AKA për programet ekzistuese në kuadër të procesit të monitorimit”.

Këshilli Shtetëror i Cilësisë (tash e tutje KShC) me qëllim të përmbushjes së obligimeve ligjore, dhe me qëllim të ngritjes së cilësisë në arsimin e lartë, me datë 11.06.2018 ka njoftuar të gjitha IAL-të se nuk do të toleroi mos përmbushje të kriterëve të cilat derivojnë nga dispozitat ligjore që rregullojnë fushën e arsimit të lartë, dhe se në secilin rast të konstatimit të mungesës së stafit akademik sipas dispozitave ligjore në fuqi, do të procedoi me tërheqje të akreditimit.

Pas deklarimit të stafit akademik të IAL-ve, AKA ka verifikuar dokumentacionit të tyre me qëllim të konfirmimit të plotësisë apo jo të kriterëve ligjore për secilin program të studimit. Në mbledhjen e mbajtur më 15 dhe 16 janar 2019, KShC analizoi në detaje të gjithë dokumentacionin e secilit staf akademik të vendosur si bartës të programeve nga IAL-të. Pasi analizoj të dhënat rreth numrit dhe fushat e studimit për secilin për secilin program të studimit, KShC vendosi si në dispozitiv të këtij vendimi.

1. **Për programin e studimit: *Komunikim Masiv – Gazetari, MA, 120 ECTS***, si bartës të këtij programi Kolegji AAB ka paraparë këtë staf: Jeton Kelmendi, PhD në Shkenca Politike dhe Ismet Hajdari, PhD në Shkenca Politike.

Ky program ka 120 ECTS, dhe rrjedhimisht sipas Nenit 26, pika 5.3.4 e Udhëzimit Administrativ për Akreditim, për këtë program të studimit Kolegji AAB, duhet të ketë të paktën dy staf akademik me gradën akademike PhD me marrëdhënie të rregullt të punës nga fusha e programit të studimit.

Pas verifikimit të dokumentacionit të stafit akademik të prezantuar nga ky kolegji për këtë program të studimit, u konstatua asnjëri nga bartësit nuk i përket fushës së programit të studimit.

Të dy bartësit e programit të studimit, i përkasin profilit të Shkencave Politike dhe jo të Komunikimit Masiv dhe Gazetarisë. Kjo është në kundërshtim të plotë me paragrafin 5.3.4 të Nenit 26 të UA për Akreditim, sipas së cilës, bartësit e programit duhet të jenë të fushës së programit të studimit.

Ky program është akredituar në vitin 2016 (Vendimi nr.651/16, datë 15.07.2016), me bartësit e programit si në vijim: Arsim Sinani, Aurora Ndrio, Shaip Bytyqi.

Bazuar në pikën dy (2) të Nenit 21 të UA për Akreditim, *“AKA mund ta rishqyrtoj akreditimin e dhënë në çfarëdo kohe dhe/ apo më pas të tërheq vendimin e saj për akreditim nëse kushtet e dhëna me rastin e akreditimit janë shkelur”*. Me këtë rast konsiderohet se ndërrimi i të gjithë bartësve nga momenti i akreditimit, dhe vendosja e personave jo të fushës si bartës të programit të studimit *Komunikim Masiv – Gazetari, MA, 120 ECTS*, është ndryshim i kushteve të akreditimit, dhe mbi këtë bazë, KShC vendosi si në dispozitiv të këtij vendimi.

Andaj bazuar në faktet e prezantuara me sipër dhe dispozitat ligjore të sqaruara me lartë, KShC vendosi që në mungesë të stafit akademik të fushës së programit të studimit sipas pikës 5.3.4 të Nenit 26 dhe pikës dy (2) të Nenit 21 të Udhëzimit Administrativ për Akreditim, të tërheq akreditimin për programin e studimit *Komunikim Masiv – Gazetari, MA, 120 ECTS*.

2. **Për programin e studimit: *Menaxhment dhe Informatikë, MA, 120 ECTS***, si bartës të këtij programi Kolegji AAB ka paraparë këta persona: Fëllenzë Pula, PhD në Shkencat Ekonomike, me profil Menaxhim dhe Bajram Fejzullahu, PhD në Shkencat Ekonomike, me profil në Menaxhim.

Pas verifikimit të dokumentacionit të stafit akademik të prezantuar nga Kolegji AAB për këtë program të studimit, u konstatua që asnjëri nga stafi i prezantuar për këtë program të studimit nuk mbulon fushën e Informatikës si pjesë përbërëse e këtij programi, siç është natyra e programit të studimit.

Bazuar në pikën dy (2) të Nenit 21 të UA për Akreditim, *“AKA mund të rishqyrtoj akreditimin e dhënë në çfarëdo kohe dhe/ apo më pas të tërheq vendimin e saj për akreditim nëse kushtet e dhëna me rastin e akreditimit janë shkelur”*. Me këtë rast konsiderohet se ndërrimi i bartësve nga momenti i akreditimit, dhe vendosja e stafit jo të fushës si bartës të programit të studimit *Menaxhment dhe Informatikë, MA, 120 ECTS*, është ndryshim i kushteve të akreditimit, dhe mbi këtë bazë, KShC vendosi si në dispozitiv të këtij vendimi.

Andaj bazuar në faktet e prezantuara me sipër dhe dispozitat ligjore të sqaruara më lartë, KShC vendosi që në mungesë të stafit të fushës së programit të studimit sipas pikës 5.3.4 të Nenit 26 dhe pikës dy (2) të Nenit 21 të Udhëzimit Administrativ për Akreditim, të tërheq akreditimin për programin e studimit *Menaxhment dhe Informatikë, MA, 120 ECTS*.

3. **Për programin e studimit:** *Banka, Financa dhe Kontabilitet, BA, 180 ECTS*, (dega në Gjakovë), Kolegji AAB nuk ka paraparë asnjë bartës në këtë programi të studimit.

Ky program ka 180 ECTS, dhe rrjedhimisht sipas Nenit 26, pika 5.3.4 dhe 5.3.9 e Udhëzimit Administrativ për Akreditim, për këtë program të studimit Kolegji AAB, duhet të ketë të paktën tre staf akademik me gradën akademike *PhD* me marrëdhënie të rregullt të punës nga fusha e programit të studimit.

Sipas Nenit 26, pika 5.3.4 e Udhëzimit Administrativ për Akreditim (15/2018, datë 28.09.2018), Institucionet e Arsimit të Lartë: *“Për programet e studimit të cilat shpijnë deri tek marrja e një diplome shkencore Bachelor dhe Master, kërkesat për stafin akademik janë për çdo grup të studentëve (të përcaktuar sipas statuti të IAL) dhe për çdo 60 ECTS kredi të programit studimit, institucioni duhet të ketë të paktën një (1) staf me marrëdhënie të rregullt të punës me titull PhD nga fusha e programit të studimit”*

Andaj bazuar në faktet e prezantuara me sipër dhe dispozitat ligjore të sqaruara më lartë, KShC vendosi që në mungesë të stafit të fushës së programit të studimit sipas pikës 5.3.4 të Nenit 26 dhe pikës dy (2) të Nenit 21 të Udhëzimit Administrativ për Akreditim, të tërheq akreditimin për programin e studimit *Banka, Financa dhe Kontabilitet, BA, 180 ECTS*, (dega në Gjakovë).

4. **Për programin e studimit:** *Banka, Financa dhe Kontabilitet, BA, 180 ECTS*, (dega në Ferizaj), Kolegji AAB nuk ka paraparë asnjë bartës të këtij programi të studimit.

Ky program ka 180 ECTS, dhe rrjedhimisht sipas Nenit 26, pika 5.3.4 dhe 5.3.9 e Udhëzimit Administrativ për Akreditim, për këtë program të studimit Kolegji AAB, duhet të ketë të paktën tre staf akademik me gradën akademike *PhD* me marrëdhënie të rregullt të punës nga fusha e programit të studimit.

Sipas Nenit 26, pika 5.3.4 e Udhëzimit Administrativ për Akreditim (15/2018, datë 28.09.2018), Institucionet e Arsimit të Lartë: *“Për programet e studimit të cilat shpijnë deri tek marrja e një*

diplome shkencore Bachelor dhe Master, kërkesat për stafin akademik janë për çdo grup të studentëve (të përcaktuar sipas statuti të IAL) dhe për çdo 60 ECTS kredi të programit studimit, institucioni duhet të ketë të paktën një (1) staf me marrëdhënie të rregullt të punës me titull PhD nga fusha e programit të studimit”

Andaj bazuar në faktet e prezantuara me sipër dhe dispozitat ligjore të sqaruara më lartë, KShC vendosi që në mungesë të stafit të fushës së programit të studimit sipas pikës 5.3.4 të Nenit 26 dhe pikës dy (2) të Nenit 21 të Udhëzimit Administrativ për Akreditim, të tërheq akreditimin për programin e studimit *Banka, Financa dhe Kontabilitet, BA, 180 ECTS*, (dega në Gjakovë).

5. Për programin e studimit: *Gjuhë Angleze, BA, 180 ECTS* (dega në Gjakovë), bartës të këtij programi, Kolegji AAB ka paraparë këtë staf: Besa Hoxha-Beqiri, Venera Llunji, dhe Shevqet Zekolli. Ky program ka 180 ECTS, dhe rrjedhimisht sipas Nenit 26, pika 5.3.4 dhe 5.3.9 e Udhëzimit Administrativ për Akreditim, për këtë program të studimit Kolegji AAB, duhet të ketë të paktën tre staf akademik me gradën akademike *PhD* me marrëdhënie të rregullt të punës nga fusha e programit të studimit.

Pas verifikimit të dokumentacionit të stafit akademik të prezantuar nga Kolegji AAB për këtë program të studimit, u konstatua që asnjëri nga stafi i prezantuar për këtë program të studimit nuk është i fushës, siç është natyra e programit të studimit. Besa Hoxha Beqiri është PhD në Studime Letrare, Venera Llunji është PhD në Shkenca Sociale, Profili: Shkenca Politike dhe Marrëdhënie Ndërkombëtare, fushë kjo e cila nuk ka të bëjë asgjë me fushën e programit të studimit, dhe Shevqet Zekolli është PhD në Shkencat Filologjike. Bazuar në atë çka u tha më sipër, asnjëri nga tre bartësit nuk i plotëson kushtet ligjore për të qenë bartës i këtij programi të studimit. Bazuar në pikën dy (2) të Nenit 21 të UA për Akreditim, *AKA ka shqyrtuar vendimin e dhënë për këtë program të studimit, dhe pasi u konfirmua që asnjëri nga bartësit nuk i përket fushës së programit të studimit Gjuhe Angleze*, KShC vendosi si në dispozitiv të këtij vendimi.

Andaj bazuar në faktet e prezantuara me sipër dhe dispozitat ligjore të sqaruara më lartë, KShC vendosi që në mungesë të stafit të fushës së programit të studimit sipas pikës 5.3.4 të Nenit 26 dhe pikës dy (2) të Nenit 21 të Udhëzimit Administrativ për Akreditim, të tërheq akreditimin për programin e studimit *Gjuhë Angleze, BA, 180 ECTS* (dega në Gjakovë).

6. Për programin e studimit: *Menaxhment dhe Informatikë, BSc, 180 ECTS*, (dega në Ferizaj), si bartës të këtij programi, Kolegji AAB ka paraparë këtë staf: Nazmi Iballi (PhD në Filozofi, Organizimi dhe qeverisja jashtë sferës së prodhimit material / Sigurimi i Informacionit), Alban Asllani, Gezim Selimi (PhD në Shkenca Ekonomike) dhe Jusuf Fejza (PhD në Fushën e Sigurimeve).

Ky program ka 180 ECTS, dhe rrjedhimisht sipas Nenit 26, pika 5.3.4 dhe 5.3.9 e Udhëzimit Administrativ për Akreditim, për këtë program të studimit Kolegji AAB, duhet të ketë të paktën tre staf akademik me gradën akademike *PhD* me marrëdhënie të rregullt të punës nga fusha e programit të studimit.

Pas verifikimit të dokumentacionit të stafit akademik të prezantuar nga Kolegji AAB për këtë program të studimit, u konstatua vetëm Gezim Selimi i plotëson kriteret për të qenë bartës i këtij programi të studimit. Nazmi Iballi (PhD në Filozofi, Organizimi dhe qeverisja jashtë sferës së

prodhimit material / Sigurimi i Informacionit), Jusuf Fejza, PhD në Fushën e Sigurimeve, nuk i përkasin fushës së studimit të programit të studimit, Menaxhment dhe Informatikë, dhe si rrjedhojë nuk mund të jenë bartës të programit të studimit. Bazuar në pikën dy (2) të Nenit 21 të UA për Akreditim, AKA ka shqyrtuar vendimin e dhënë për këtë program të studimit, dhe pasi u konfirmua që asnjëri nga bartësit nuk i përket fushës së programit të studimit *Menaxhment dhe Informatikë, BSc, 180 ECTS*, (dega në Ferizaj), KShC vendosi si në dispozitiv të këtij vendimi.

Andaj bazuar në faktet e prezantuara me sipër dhe dispozitat ligjore të sqaruara më lartë, KShC vendosi që në mungesë të stafit të fushës së programit të studimit sipas pikës 5.3.4 të Nenit 26 dhe pikës dy (2) të Nenit 21 të Udhëzimit Administrativ për Akreditim, të tërheq akreditimin për programin e studimit *Menaxhment dhe Informatikë, BSc, 180 ECTS*, (dega në Ferizaj).

7. Për programin e studimit: *Përkujdesi dhe Mirëqenie e Fëmijëve, BA, 240 ECTS*, (dega në Ferizaj), si bartës të këtij programi, Kolegji AAB ka paraparë këtë staf: Hysen Kasumi (PhD në Shkenca Sociale, profili: Psikologji dhe Pedagogji), Nalan Kazaz (PhD në Psikologji dhe Edukim), Arif Shala (PhD në Pedagogji) dhe Tahir Latifi (PhD në Histori dhe Antropologji).

Ky program ka 240 ECTS, dhe rrjedhimisht sipas Nenit 26, pika 5.3.4 dhe 5.3.9 e Udhëzimit Administrativ për Akreditim, për këtë program të studimit Kolegji AAB, duhet të ketë të paktën tre staf akademik me gradën akademike *PhD* me marrëdhënie të rregullt të punës nga fusha e programit të studimit.

Pas verifikimit të dokumentacionit të stafit akademik të prezantuar nga Kolegji AAB për këtë program të studimit, u konstatua që Tahir Latifi është PhD në Histori dhe Antropologji, fushë kjo e cila nuk ka të bëjë asgjë me programin e studimit *Përkujdesi dhe Mirëqenie e Fëmijëve*, dhe si rrjedhojë nuk mund të jenë bartës i këtij programi të studimit.

Andaj bazuar në faktet e prezantuara me sipër dhe dispozitat ligjore të sqaruara më lartë, KShC vendosi që në mungesë të stafit të fushës së programit të studimit sipas pikës 5.3.4 të Nenit 26 dhe pikës dy (2) të Nenit 21 të Udhëzimit Administrativ për Akreditim, të tërheq akreditimin për programin e studimit *Përkujdesi dhe Mirëqenie e Fëmijëve, BA, 240 ECTS*, (dega në Ferizaj).

8. Për programin e studimit: *Përkujdesi dhe Mirëqenie e Fëmijëve, BA, 240 ECTS*, (dega në Gjakovë), Kolegji AAB ka paraparë këtë staf: Fadil Latifi (PhD në Filologji, Gjuhë Shqipe dhe Letërsi), Gentiana Shahini (PhD në Filologji, Gjuhë Shqipe dhe Letërsi), Rita Loloci (PhD në Filozofi), Qerim Kastrati (PhD në Gjeografi).

Ky program ka 240 ECTS, dhe rrjedhimisht sipas Nenit 26, pika 5.3.4 dhe 5.3.9 e Udhëzimit Administrativ për Akreditim, për këtë program të studimit Kolegji AAB, duhet të ketë të paktën katër staf akademik me gradën akademike *PhD* me marrëdhënie të rregullt të punës nga fusha e programit të studimit.

Pas verifikimit të dokumentacionit të stafit akademik të prezantuar nga Kolegji AAB për këtë program të studimit, u konstatua që Rita Loloci është PhD në Filozofi, ndërsa Qerim Kastrati është PhD në Gjeografi. Këto fusha të studimit nuk kanë të bëjë me programin e studimit *Përkujdesi dhe*


Mirëqenia e Fëmijëve, dhe si rrjedhojë, të njëjtit nuk mund të jenë bartës i këtij programi të studimit.

Andaj bazuar në faktet e prezantuara më sipër dhe dispozitat ligjore të sqaruara më lartë, KShC vendosi që në mungesë të stafit të fushës së programit të studimit sipas pikës 5.3.4 të Nenit 26 dhe pikës dy (2) të Nenit 21 të Udhëzimit Administrativ për Akreditim, të tërheq akreditimin për programin e studimit *Përkujdesi dhe Mirëqenia e Fëmijëve*, BA, 240 ECTS, (dega në Gjakovë).

Këshillë juridike: Kundër këtij vendimi pala e pakënaqur mund të paraqitet ankesë sipas Nenit 125 dhe 126, të Ligjit për Procedurën e Përgjithshëm Administrative (Nr. 05/L-31, datë 25 maj 2016). Ankesa kundër këtij akti administrativ i dorëzohet organit i cili e ka nxjerr këtë vendim bazuar në Nenit 128 të LPPA, në afatin prej 30 nga dita kur pala është njoftuar për aktin administrativ sipas Nenit 127 të LPPA.

Vendimi iu dërgohet:

- BPrAL Kolegji "AAB";
- MASHT-it;
- Arkivit të AKA-së.



Prof. Dr. Gazmend Luboteni
Kryetar i Këshillit Shtetëror të Cilësisë

